

I.-

" Ἐζούλτσα τὸ μουστάκι μου "

Ἐζούλτσα τὸ μουστάκι μου κι' ἐποῖτ' ἄτο πουρμάνι,
ποῦ εὖρες καί ν' ἐγάπεσες, ἐμέν τὸν χοβαρτάνη.

Ἐμορφον εἶσαι, γιάβρινα μ', ὁ πρόσωπο σ' φεγγάρι,
φιέρωσον τὸ πότ' σου σ' ἐμέν τὸ παλληγιάρι.

Ἐμορφον εἶσαι γιάβρινα μ', τιδέν κ' ἔχω νά λέω,
ἐγὼ πᾶ νέττον παλληγιάρ', τὸ καρδόπο σ' θά καίω.

2.-

" Τραντάφυλλον θά ἵνουμει "

Τραντάφυλλον θά ἵνουμει, θ' ἐβγαίνω σά ρακάνια,
κόφον, ρίζα μ', καί βάλλον με, σ' ἐσόντ' τὴν ἐγκάλιαν.

Κρύον νερόν θά ἵνουμει, θ' ἐβγαίνω σά πεγάδια,
νά ἔρχουνταν νά πίνε με, κορτσόπα καί νυφάδια.

Περμένω σε καί κ' ἔρχεσαι, ξέν' εἶναι πού περοῦνε,
ἔλα κι' ἄς λάμπνε τὰ ραχιά, τ' ὁμάλια νά γελοῦνε.

3.-

" Σά κιάστανά "

Κόρ' πᾶμε σά κιάστανά, κιάστανά σερεῦομε,
σαπεπὶ τῇ κιαστανί, ἐμεῖς μασχαρεύομε.

Ἀγαπῶ εἶναι κουτσὴν, ἀγαπῶ τὴν καλατσὴν,
κ' ἐπορῶ νά φέρ' ἄτεν, σὸ σπῖτι μ' ἕναν βραδύν.

Μάνα ἢ νύφε τ' ἐμόν, ἄτέ θά φέρ' τσε νερόν,
σά ξύλα ἄτέ θά πᾶει κι' ἵντιαν λές ἄτεν θ' ἐφτάει.

Κορτσόπον, τίνος εἶσαι, μῆλον κόκκινον εἶσαι,
φύγον κι' ἔλα μέ τ' ἐμέν, βασιλόπουλον εἶσαι.

4.-

" Σῆ Παναγίας τὸ ποτάμ' "

Σῆ Παναγίας τὸ ποτάμ', ἐροῦξεν ἡ κλειδίτσα μ',
μᾶνα ροῦξον κι' ἀράεφον σ' ἐμέν κεριάν νυφίτσαν.

Μάνα, μᾶνα χαῖνενα, μᾶνα πολλὰ κακέσα,
ἡ μαναχία ἂν ἔν καλόν, πέσκα ἐσύ μαναχέσα.

Λί ἐμέν, μᾶνα, λί ἐμέν, λί ἐμέν θ' ἀποθάνω,
κι' θ' ἐπορῶ ἀπὸ πάνι μ' ἄρ τῇ σεβτάν νά χάνω.

5.-

" Ὅντες ἔμνε μικρόν παιδίον "

Ὅντες ἔμνε μικρόν παιδίον - μικρόν παιδίον,
ἐγάπανα τ' ἄρνόπα - ὅτ' τ' ἄρνόπα,
κι' ἄτώρα ἄς ἐτράννα - ἐτράννα,
ἀγαπῶ τὰ κορτσόπα - τὰ κορτσόπα.

Ἡ λαλία μ' σὸν οὐρανόν - σὸν οὐρανόν,
κόρη παρακαλῶ σε - ἔλα, ἔλα,
φύγον κι' ἔλα σ' ἐμέτερα, σ' ἐμέτερα,
κι' ἂν ἀρρωσταίν' τς, τερῶ - ξάν τερῶ σε.